

Այս հատուածի Ա. Գլխի մէջ, ուր դե-
րեզմանական կոթողների տեղադրութիւնը
կատարեցինք, յիշեցինք Թալինի անունը, ուր
բազմաթիւ մնացորդներ կան. այդ վայրը
կամսարական իշխանների նստոցն էր, նոր
բառով մայրաքաղաքը: Նրանք, ըստ աւան-
դութեան Հայաստանում հաստատուեցան
Գ. դարի սկզբում՝ Տրդատ քրիստոնեայի
ժամանակ, որպէս սեպհականատէր Արշա-
րունեաց եւ Երակայ գաւառների. նոքա կա-
րևոր դեր են կատարել Հայոց պատմութեան
մէջ Մամիկոնեանների հետ եկեղեցու եւ հայ-
րենիքի պաշտպանութեան գործում եւ անհե-
տանում են կամ երկրորդական դասում Բ.
դարում, ծախելով իրենց կարւածները Բազ-
բատունիներին: Բայց նրանց ծառայութիւնը
աւելի փոքր չէ հայ ճարտարագիտութեան
եւ գրչութեան արուեստի պատմութեան մէջ,
որովհետեւ նրանցն է կամ նրանց իշխանու-
թեան մէջ այնպիսի յուշարձաններ, որպէ-
սին Տիկորն է Ե. դարի վերջերից կամ Թա-
լինի զոյգ եկեղեցիները, հոյակապ Մրենը
է. դարում: Թալինի եկեղեցիներից փոքրը
է. դարի առաջին կիսի գործ է, որի արձա-
նագրութիւնը, թէեւ թուական չունի, բայց
«Ներսէ՛ն ապո՛հիպատ պատրիկ Երակայ եւ
Արշարունեաց Տեր» մեզ յայտնի է Արամանի
եւ Մրենի արձանագրութիւններից, առա-
ջինը Հերակլ կայսեր 27, իսկ երկրորդը
29-րդ տարին շինուած, այսինքն 637 եւ 639
թուականներին:՝ Երկրորդ մեծ եւ աւելի
փառաւոր տաճարը շինութեան թուական
չունի, բայց նա աւելի ուշ չէ, քան Բ. դարի
սկիզբները, երբ գաղարկ էր գրեթէ, եր-
կու դար շինարարութիւնը Հայոց մէջ՝ ա-
րարական հալածանքների եւ պատերազմնե-
րի պատճառով: Այս տաճարի յետագայ մի
արձանագրութիւն գրուած է ՄԼԲ=783
թուականին:՝

* Տես մեր Գրչութեան Արուեստը. Գ. §6:

** Անդ. §11: Բնագիրը տես եւ Ալիշան,
Այրարատ, 138:



Պատկ. 63



Պատկ. 64